

15 AUG 1998

MAHATHIR JUMPA RAKYAT SABAH

KOTA KINABALU, 15 Ogos (Bernama) -- Perdana Menteri Datuk Seri Dr Mahathir Mohamad memulakan hari ketiga dan terakhir lawatannya ke Sabah hari ini dengan mengadakan perjumpaan bersama rakyat di Kompleks Sukan Likas di sini.

Lebih 10,000 orang, termasuk para pemimpin parti-parti komponen Barisan Nasional (BN) Sabah menghadiri perjumpaan itu.

Dr Mahathir dijangka akan memberi penjelasan kepada mereka mengenai keadaan kegawatan ekonomi negara dan juga langkah-langkah yang telah dan sedang diambil untuk menanganinya.

Pada pukul 11 pagi, Dr Mahathir yang juga Pengerusi BN dijadual merasmikan kongres Parti Liberal Demokratik (LDP) di Dewan Masyarakat Man Foh Sang di Luyang di sini.

Dr Mahathir yang diiringi isterinya Datin Seri Dr Siti Hasmah Mohd Ali berada di Labuan Khamis lepas untuk lawatan sehari ke pulau itu. Beliau juga mengadakan perjumpaan dengan pemimpin-pemimpin Umno Labuan.

Semalam, Dr Mahathir merasmikan kongres keempat Parti Demokratik Sabah dan menghadiri majlis makan malam bersama rakyat di bangunan Dewan Undangan Negeri di sini.

--BERNAMA

ES